

É quèrye

Carâ ën tèra batchuéyte avouë û nô i byô bâtemin da cûra bien retapâ, û cœussin i vâta mouràle que tèn éna o chemitchyèro, û éin i pachâdzo que choparâe à plâcha dû courtî da paroûtse, û myë-dzo i vyële vey de Nënd'âta, i plâcha di quèrye a perdû o chyô non é à châvoua réyjon d'ître di 1960 can oun conchë avouë de noâaj idé a ramplachyâ é quèrye péj avî afichyâ pe tchuî é véâdzo da coumoûna. Ouey, retreytchyeyte , plantâye de byôa é d'âtra folû que bâlon djyâ d'ömbra, i plâche di quèrye et inuey oûna plâche de repou avouë oun doïn courtî.....

Can ché que fajey é quèrye, bien choïn i presedan da coumoûna, càquyecou i checretéro, arûae, tchuî itâon quyey chin qu' aèche bejoin de dère oun mo. Déi intrâye d'élîje, dejô o hlotchyè, ét inû bâ péj etsiï ën derën da cûra. Déi qu'a jû pachâ à pörta dû pîlo dû vequéro, i ch'arîte ch'o indâ, û câro damû da plâcha. Déi réi, i salûe to ché moûndo ën choéin o tsapé, d'oun jèste cou.

Û prûmyë ran che tinyan hlœu que chon méi dû da fôle, a man darî orële po myô avouïre, éproïn de léire chû é pô du presedan po pâ achyë étsapâ oun mo. Me chobre de ché tin, emâdze de trey bon sélibà que che tinyan troon ënsîmblo: Mitchyë, Bi-in é Porteau. Chi darî, i méi drôo di trey, déey à châvoua chorbâtse à noûtra granméra franchéja. D'acö de ch'ën chuîni di régle, mà pâ ë parlâ dû résto que chacörde atramin. Oublâ i chyo non de batéymo di ché dzô! É trey compagnon che demandon éj oun ij âtra "Dèquye di i presedan?" Chin qu'anmeran chaey, chon é tô û bi, é dzo di manûre. Aprindrin to chin ën tornin û pîlo. É noâa van fô derën é véadzô.....

Traduction libre de "Nendaz Hier et aujourd'hui" de Cyrille Michelet